

安順府志卷之二十三

知安順府事長白常恩纂

紀事志

安順置府本末

安順。於元末明初為安順州。屬於晉定府。其故城在今安順府東南五十里。世所謂舊州者也。蓋如今之散州。自顧成奏罷晉定府。置六長官。屬安順。而令安順直隸雲南布政司。於是安順始為直隸州。無幾。又與鎮甯永甯同隸晉定軍民衛。則亦如府屬之散州。然尚與衛異城而治也。成化中。始徙治於衛城。蓋已設流官知州。而降土知州為州

安順府志

卷之三

紀事

同知。知州治衛城。而州同知仍治舊州也。萬歷三十年。升為軍民府。於是鎮甯永甯二州。晉定安莊二衛。始歸統轄。而平壩威清二衛。尚隸貴州都司。不受統轄也。其土官則為土同知矣。崇禎初。又置鎮西衛。亦自隸貴州都司也。明制備於此矣。入我

朝。始併改諸衛為縣。而土官降為州同。尋廢。始如見制焉。郡事。於明則西堡毛口數用兵。而景泰天崇。城屢危陷。洎乎我

朝。順治康熙之際。亦常經營焉。至於嘉慶之初。則有仲苗之變云。西堡者。安順六長官之一也。六長官。一曰甯谷。在安



順府南十五里。元之甯國寨也。洪武十八年廢。晉定土府十九年降。土知府者氏之嗣。爲長官。別令土酋顧興仁爲副。正統初者氏絕。令興仁之三世孫雄爲長官。領寨二十九。天順中長官顧鍾與安順土知州張承祖爭地。事已具上。累傳至顧維城。康熙五十四年廢。其二卽西堡也。皆屬安順。三曰十二營。在鎮甯州北六十里。元爲十二營砦。洪武十八年廢。晉定土府。明年置司。以者氏別族隴阿佐爲長官。領寨二十九。令陸安貴副之。萬歷八年水西土目者曾出犯十二營。虜土婦隴氏宣慰使安國亨縛之以獻。隴氏累傳至明末而絕。康熙初有蕭愷者以功議叙。繼隴氏

安順府志

卷之三

紀事

二

爲長官。二十三年廢。陸氏於順治末歸附。仍授原職。康熙中降爲外委土舍。今稱阿破土舍。安貴之伯光烈見襲。四曰康佐。在鎮甯州東七十里。元爲康佐砦。洪武十八年廢。晉定土府。明年置司。以從征官薛福壽爲長官。于成副之。領砦四。薛氏累傳至薛世乾。雍正五年以溺職廢。于氏累傳至于應鵬。順治十五年歸附。授原職。應鵬卒。子鈞襲。鈞卒。子湘之襲。乾隆初尙存。其後廢。皆屬鎮甯。五曰募役。在永甯州西七十里。元募役寨也。洪武十八年廢。晉定府。明年置司。以者氏別族阿辭爲長官。令從征官杜仲仁副之。領砦四。阿辭尋卒。阿夷襲。阿夷卒。阿更襲。永樂元年賜姓



禮氏更名山禮山卒。福海襲福海卒。晟襲當正統時。晟卒。寬襲寬卒。仁襲仁卒。接襲接卒。天秩襲天秩卒。思明襲思明。明病經國代經國卒。思明復莅事卒。廷諭襲廷諭卒。廷試襲順治十五年歸附授原職。康熙十九年廷試以上兵六百助守盤江。廷試卒。子申信襲申信卒。子宗魯襲宗魯卒。叔父申仁襲申仁卒。子宗殷襲時康熙五十二年也。宗殷卒。緒周襲乾隆十六年頒募役長官印。是時募役領寨五十六。緒周卒。第縉周襲縉周卒。襲衡襲襲衡卒。甥安承興襲承興卒。襲衡之母安氏代嘉慶二年仲苗作亂安氏逃之永甯州城病卒無子。遂廢設流官巡檢以統其地。杜氏

安順府志

卷之三

紀事

三

於明末已絕。六曰頂營。在永甯州南百五十里。後徙州北七十里。卽元時阿苴部也。洪武四年其酋沙阿光歸附。置司授阿光爲長官。以從征官程士貴副之。阿光卒。達襲達卒。林襲林卒。雄襲雄卒。龍襲龍卒。承爵襲承爵卒。效賢襲效賢卒。蓋忠襲蓋忠卒。國珍襲國珍卒。裕先襲順治十五年歸附授原職。裕先卒。起龍襲康熙十九年起龍以上兵三百助守盤江。起龍卒。天藩襲天池卒。天泗襲天泗卒。盡美襲雍正十三年盡美以上兵三百從征台拱戰沒。再昌襲再昌卒。無子。妻安氏代安氏卒。子婿安榮誥見襲管一馬寨十七。今稱沙營司。程氏尋以沙氏叛



見廢。洪武十八年。曾定府廢。明年復建阿苴。沙氏爲長官。令從征官羅錄副之。錄卒。慵襲出從軍。戰沒。衍襲。當正統時。衍卒。瑜襲。瑜卒。偉襲。偉卒。文襲。文卒。思襲。思卒。錦襲。錦卒。承宗襲。承宗卒。應魁襲。應魁卒。朝屏襲。朝屏卒。洪勳襲。順治十五年。歸附。授原職。卒。名譽襲。名譽卒。嵩襲。雍正八年。從征烏蒙。駐防七星關。十年。從征台拱。皆有功。嵩卒。經都襲。經都卒。璟襲。乾隆三十四年。頒印管二馬砦。十八。嘉慶二年。仲苗叛。璟從知州守城。率順苗助防。西關坡。璟卒。天麒襲。天麒卒。子溥襲。溥卒。無子。弟渭見。應襲。今稱頂營司。皆屬永甯西堡。在安順府西北九十里。阿卜却。一作阿

安順府志

卷之三

紀事

四

卜格。後傳阿德。洪武二十六年。西堡長官阿德。及諸寨長作亂。命貴州都指揮顧成討平之。其後土官阿傍又作亂。二十八年。成復討平之。三十一年。西堡滄浪寨長必莫者聚衆爲亂。阿草傍等糾三千餘人助惡。成皆擊斬之。西堡悉平。宣德二年。水西土目阿閉妨宜。交通西堡蠻民阿骨阿哈。謀作亂。貴州總兵蕭授請討之。帝不許。敕遣官撫諭。授結旁寨酋。以計誅阿閉妨宜。奏阿閉妨宜爲旁寨所殺。乃止。敕使而阿骨阿哈。遂以底寨。及豐甯清平平。越魯安。諸蠻反。四川筠連諸蠻亦應之。授且捕且撫。諸蠻先後聽命。承制赦之。以豐甯蠻酋爲稔惡。械送京師。伏誅。天順四



年。西堡蠻賊聚眾焚劫。鎮守貴州內官鄭忠。右副總兵李貴。請調川雲都司官兵二萬。并貴州宣慰安隴富兵二萬。進勦。至阿果。禽賊首楚得隆等。斬首二百餘級。賊奔白石巖。復斬級七百餘。焚其巢而還。成化十四年。貴州總兵吳經奏。西堡獅子孔洞等。苗作亂。先調雲南軍八千助防守。聞雲南有警。乞改調沅州清浪諸軍應援。十五年。經奏。已禽斬賊首阿屯堅婁等。以捷聞。西堡阿德之獅子孔阿江二處。皆草獠也。初據滄浪六寨。不供常賦。土官溫愷懼罪。自縊。其子廷玉請免賦。不允。往徵。為其寨長七呂等所殺。正德六年。廷玉弟廷瑞訴於守臣。會七呂死。指揮楊仁撫

安順府志

卷之三

紀事

五

其家。巡撫蕭紳。請令其輸賦。免用兵。從之。已上西堡事。咸具明史。阿德阿傍。皆沙氏也。累傳至沙毓奇。康熙五十四年。廢其地入於安平縣。溫愷。溫廷玉。溫廷瑞。皆溫伯壽之伯也。累傳至溫捷桂。順治十五年。歸附。授原職。捷桂卒。子應珩襲。應珩卒。子寬襲。寬累傳至休端。見襲。屬郎岱同知。六司之外。又有打罕哨。王氏。於前明時。殆永甯土州佐貳。雜流之職。不知何官也。其先餘姚人。與桑郎王氏。皆起於宋東京時。桂海虞衡志所云。大小王番是已。元末有王國賓者。授土職。明仍之。韋氏之叛也。王氏之支子。有曰應時者。禽其叛帥。韋卜鑾於伏泥屯。授土守備。防守打罕哨。隨



征裸土營美魯福祐有功。分其子有土舍管寨。卒。子朝卿襲。萬曆三十七年。應時十世孫璉失印。革職。弟維襲。維卒。子宣襲。順治十五年。歸附。授原職。康熙十五年。以事降。爲外委。土舍。傳至勝恒。乾隆四十年。清釐土職。勝恒仍留。勝恒卒。兆玟見襲。樂舉王氏出於王國卿。國卿朝卿之仲弟也。以父應時功。分管樂舉。十二傳而至世美。康熙十九年。以從征逆藩功。予土千總。世美卒。正統襲。正統卒。天旋襲。天旋卒。兆春見襲。八大王氏出於維。維長子宣襲打罕。次子朝。以土舍分管八大朝。後四傳至天柱。天柱卒。瑯恒襲。瑯恒卒。濟林見襲。打罕樂舉八大是爲上三馬。又有下三馬者。曰樂運。播西樂填。皆國賓。由也。國賓居樂運。累傳至於隨。天啟七年。革職。康熙十九年。其由有曰定者。從征吳世璠有功。予守備銜。雍正六年。定之孫正邦。從提督楊天縱。招撫生苗有功。授土千總。正邦卒。天錫襲。天錫病。日恒代。嘉慶二年正月。仲苗反。日恒帥土民扼要害。尋入永甯州防守。

安順府志

卷之三

紀事

六

天兵至。具舟於下江龍渡。護送軍需於高坎。十年。頒鈐記管樂運一馬。日恒卒。兆麟襲。兆麟道光十六年。歲貢。隨之。從弟顏於明天啟時。以土舍分管播西。累傳至謙恒。無子。從子王濟祥襲。濟祥卒。無子。從子扶基見應襲。國賓之十三



世孫曰珍。居樂埧。順治十五年。以土舍歸附。康熙九年。從征有功。予守備銜。雍正六年。珍之孫曰正泰。從提督楊天縱。招撫生苗有功。予千總銜。正泰卒。國英襲土舍。國英卒。無子。弟國忠襲。國忠卒。文品見襲。舊有鈐記。道光六年。繳盤江土巡檢李氏。其先李當。上元人也。僑居大理。洪武中。從征雲南有功。授盤江土巡檢。無分土。專司盤詰。奸宄焉。當卒。康祚襲。康祚卒。定遠襲。定遠卒。誇襲。誇卒。朝宗襲。朝宗卒。應麒襲。應麒卒。報國襲。報國卒。桂芳襲。順治十五年。歸附。授原職。卒。先登襲。先登卒。崇庚襲。崇庚卒。本襲。雍正十二年。本帥土夫送餉台拱。本卒。世德襲。世德時。頒印及

安順府志

卷之三

紀事

七

號紙。世德卒。佐襲。乾隆四十九年。改盤江土巡檢為從九品土官。繳巡檢印。別給號紙。佐卒。鎮衡見襲。明史地理志。永甯州有盤江巡檢司。方輿紀要曰。永甯州有盤江巡司。其地名黃土坡。志曰。盤江巡司在州西北百八十里者。卽此是矣。郎岱隴氏。其先水西勿阿納之兄。勿阿輪之伯也。勿阿輪世居郎岱。與水西相親附。世共謂之盧鹿部。傳世至明。授宣慰司僚職。世守之。順治末。歸附。康熙初。水西誅絕。郎岱獨存。其酋曰隴安。潘水西安重聖之妻。隴氏安潘之妹也。水西既滅。烏撒又平。隴氏走郎岱。隴勝者。水西之故土目也。助安坤作亂。圍吳三桂甚力。坤敗。亦走郎岱。二



人者。皆勸安藩反。三桂索二人於郎岱。安藩不予。三桂使人逮安藩。安藩懼誅。康熙四年十二月。遂舉兵反。使隴勝攻大定威甯。至畢節。殺經歷秦文。安藩自帥兵攻安順。陷之。殺經歷袁績。三桂發雲貴兵討之。三桂令貴州兵自安順進。三桂帥雲南兵由威甯進。屢敗賊兵。賊皆保於郎岱。三桂合兵圍之。數月。糧盡。隴安藩隴氏隴勝潰圍欲走。三桂執而誅之。餘黨悉平。以其地屬安順府。時五年六月也。又有則阿七者。水西統阿則之季子也。居於郎岱。爲土目。世守之。稱隴氏。至於明初。有曰隴榜者。洪武十四年。授長官。以屬水西。故明史地理志不著。水西之盛也。有十二宗。

安順府志

卷之三

紀事

八

親。十三則溪宗親之第十一曰阿則七。則溪之第十曰安架。則溪管錢糧者曰阿則七。卽其佻也。順治末。歸附。仍授長官。康熙十八年。降爲外委。土千總。分爲二目。一管郎岱本枝。一管六枝。今隴廷桂隴濟川各襲職。皆屬郎岱同知。凡此皆郡內之士職也。與郡事相錯綜。故備著之云。毛口六隊者。永甯州之屬也。或作毛吳隊。吳者。口六合寫之。譌猶之。離關嶺驛爲關山領驛。而明代遂以爲經制也。萬歷七年。永甯張斌等。告毛口六隊苗曾光賽光見反。詔巡撫貴州副都御史王緝。巡按貴州御史馬呈圖。發兵進勦。先是毛口之鄰寨曰長牛。有點夷曰阿田者。於隆慶初出劫。



都指揮陶鼎逐捕之。爲流矢所中。遂遇害。至是光賽光見。嘗以私讐攻剽羅紹華張斌匡廷蠻諸人之寨。殺羅顯奇等五人。斌等遂以反告。弁及長牛殺都指揮事。緝等使人探之。無反狀。乃使一知府單騎往。而令永甯曾安二知州偕光賽光見。負弩出迎。叩頭乞哀。願增納賦稅。同內地。乃召斌等與對簿。斌之上變告也。謂光賽光見所居名五龍。上京箭林宮室輿服。皆擬王者。出入張黃蓋樹幡幟。擊鼓自號爲雲陽王。故廷議令緝呈圖勦之。及對簿皆無實。遂釋光賽光見。而坐斌等罔誣。羈斌於永甯獄。羈廷蠻於烏撒獄。斌歎曰。吾北行時。阿迷土目方仲八贈我百金爲治。

安順府志

卷之三

紀事

九

裝。以我能告反也。今無實。何面目以對方土目哉。議者欲逮治仲八。旋覺斌詐而止。四十年。毛口六隊賊老光凹等據險反。永甯知州毛宗萇請兵進勦。巡撫張鶴鳴檄參政謝存仁守備許成名指揮梁東旭等率土漢兵討平之。凡此皆毛口事也。正統十四年。鎮遠蠻苗金臺反。圍平越。貴州諸府衛蠻盡起。九月。蠻有圍曾定者。景泰元年。總督軍務侯璉自雲南趨赴平越。道曾定。擊走圍城之賊。而東解平越圍。還救安南。而曾定復被圍。璉選雲南善射者爲前鋒。自將之。直趨曾定。與賊戰於城下。矢如雨下。賊兵大敗。遂逐之。副總兵田禮以兵會擊曾定賊。皆破滅。遂率兵東



破龍里進克亞堡。時暑雨方甚。疫癘大作。璉染病。昇還。曾定八月卒焉。二年七月。水西水側蠻出攻平壩衛城。總兵梁瑤都督方瑛分兵討平之。其後水西宣慰使安國亨與同知安智爭訟。屢年不決。萬歷二年。按察使林燧章定讞。令國亨輸的都朵爾之地於智。其寨曰毛家曰可瓦曰大南曰王莊曰張三曰壩道曰紅巖曰左王曰右王曰阿花曰蔡官曰黎兒口鮓隴。多在今之定下里云。八年。界首蠻阿巖阿散與賣羔堡蠻阿占阻山爲寇。威清平壩之間皆騷動。水西宣慰使安國亨捕斬之。國亨又令其屬目阿捕給威清驛事。於是二驛復通。三十年。平壩境內苗仲時出。

安順府志

卷之三

紀事

十

焚掠。歷年不計。三十四年。掠沙作站。平壩千戶楊東明死之。至四十四年。巡撫張鶴鳴遣守備黃運清率兵勦之。平壩賊始平。天啟二年二月。貴州宣慰同知安邦彥以宣慰使安位反。遣兵陷威清。三月。圍平壩。指揮韓允琦衛人前。永平知府黃運昌募衆拒守。賊攻之。十八日。不能破。釋之而去。進攻魯定。指揮僉事葛公哀及其弟公袍率衆拒戰。弗克。皆死之。公袍子之俊。女貞姑。殉難。賊遂陷壩。進攻安莊。破之。賊中巨目沙學據關嶺。陷查城。渡盤江。圍安南。時永甯知州薛三桂駐安南與戰。弗勝。死之。巡撫李樞。巡按史永安遣操捕都指揮許成名率兵援安南。沿途轉戰。



明年正月。至於安南。犯圍入城。賊遂圍之。雲南巡撫沈傲  
炳遣都司李天常監紀知縣呂聲揚救安南。是時巨目沙  
學之黨羅應魁駐安南。應魁遣使詐降。天常信之。聲揚言  
夷人多詐。姑俟之。勿輕進。天常不從。以兵千餘先渡盤江。  
諸軍尙未發。天常至安莊。去賊二十里。有舖曰疊水。應魁  
請大軍解甲受降。天常又從之。既釋甲而伏兵四起。天常  
及指揮王懋勳。張神武皆死之。聲揚及把總劉春元以五  
百人人會安城守。賊復據關索嶺而圍安南。五月賊自安  
莊還者。復圍平壩。七日不克而掠於野。諸生劉安鼎舉家  
自焚。賊俄引去。先是貴陽圍甚急。撫按以蠟書與平壩貢

安順府志

卷之三 紀事

十一

生黃運甯令起兵赴援。運甯得書。傾家招募義勇得萬餘  
人。與其從子衷惺將之。以往至太子橋。夜斫賊柵。賊并力  
擊之。全軍盡沒。運甯衷惺死之事聞。贈運甯光祿寺丞。祀  
忠烈。已而賊爲新巡撫王三善所敗。退還四年。正月三善  
戰死於內莊。賊復猖獗。分兵四出。雲貴騷然。先是御史昆  
明傅宗龍上疏言雲貴事。帝多采用。又自請討賊。言爲武  
定。尋甸患者東川土夷祿千鍾。爲霑益羅平患者賊婦設  
科。及其黨李贇攻圍會安。爲滇黔門戶患者龍文治妻。及  
其黨尹二困安南。據關索嶺者沙國珍。及羅應魁輩。困烏  
撒者安效良。臣皆悉其生平。非臣敵也。臣願以四川巡按



兼貴州監軍。滅此羣醜。帝大喜。下所司議。會宗龍疾。不果行。是月雲南參政謝存仁在會安。屢克賊壘。兵威大振。沙國珍羅應魁內袒。詣存仁降。存仁數其罪而赦之。單騎詣賊營。分散餘黨。遂進至貴陽。比還。夷酋伏迎道左。仍願供各站馬。上六衛道始通。已而內莊之敗。聞國珍叛。道復梗。夏帝卽家起宗龍。巡按貴州兼監軍。雲南巡撫閔洪學。令存仁及參將袁善。土官魯名聲沙如玉等。以兵五千送宗龍。宗龍至盤江。戰且行。所過寇輒破走。乃遣存仁善令還。而率名聲等及土兵七百入貴陽。十一月安邦彥盡驅羅鬼。結四十餘營於斑鳩後寨。亘二十餘里。分兵犯會定。宗

龍屯平壩。總督蔡復一遣總兵官魯欽黃鉞分道禦邦彥。又遣參政尹伸副使楊世賞僉事段伯玠遊擊胡從儀救會定。擊却賊兵。斬首千二百級。伸遂入城以守。時賊別部圍安莊。平壩衛指揮韓允琦與賊戰於安莊坡之楊家橋。軍敗。死之。伸發兵往救。弗及。遂進通盤江道。斬逆酋沙國珍及賊黨五百人。欽率所部大將張雲鵬劉志敏鄧玘等大敗賊黨於汪家冲。鉞及參政陸夢龍楊世賞大敗賊黨於蔣義寨。合追至河。斬首千五百餘級。搜捕山谷。復斬六百餘級。尹伸旣破國珍。亦與大軍會。共翦水外逆夷。邦彥勢窘。渡河北奔。欽鉞督諸將窮追。夢龍等分駐三岔河岸。



爲後勁。前鋒雲鵬玘等深入至織金。斬首千餘級。遇賊而戰。復斬千餘級。賊遁窮搜不得。乃班師。段伯炆雲南晉甯人。以鄉舉官鎮甯知州。力拒安邦彥。超擢僉事。駐安莊。統上六衛。至是又以功陞參議。仍駐安莊。時副使周鴻圖分巡新鎮。統下六衛。亦有才畧。與伯炆相倚重。驛道千餘里。間奸宄屏息。兩人力也。崇禎二年。總督朱爕元大舉伐安邦彥。駐軍陸廣。檄雲南兵下烏撒。四川兵出永甯。別遣總兵官許成名。參政胡朝棟赴永甯。爲四川兵聲援。進復赤水。邦彥分守陸廣。鴨池。三岔河諸要害。別以一軍趨遵義。自率兵十餘萬犯赤水。爕元乃遣總兵林兆鼎從三岔河。

安順府志

卷之三

紀事

十三

副將王國珍從六廣。劉養鯤從遵義。分道並進。共抵大方。別令羅乾象以奇兵繞其後。掩襲之。諸軍未至。兆鼎與四川總兵官侯朝柱副使劉可訓擊斬邦彥於紅土川。明年三月。安位來降。削其水外阿戈龍。爾龍。夜龍。底飛。化。那。引。葉。遮。勒。六。目。地。歸。之。於。朝。於是始置鎮西衛。及威武。赫。聲。柔。遠。定。南。諸。所。爕。元。又。至。平。壩。築。其。月。城。而。水。西。平。矣。四年。監安普軍參政朱家民修盤江橋。築城十一於各部。先是查城驛舊有城。經安氏喪亂之後。城不復存。至是復築之。亦在十一城中。命曰鼎新。世號之爲頂。站城云。十六年。設安順府同知。駐於平壩。我。



大清

世祖章皇帝順治四年。貴州尙未入版圖。流賊孫可望爲我肅親王所躡。自四川入貴州。駐貴陽。未幾卽西走。三月。攻掠威清平壩。城郭空虛。野無雞犬。平壩駐防同知朱由楛。柔遠守備張守和。率衆數萬。保於李子山。爲賊所破。由楛一家五十餘人。及守和殉節。賊數萬。皆殲馬鄉宦譚先哲。保長冲鄉人依之者數萬。賊亦屠之。先哲殉焉。又有數千人同保一屯。屯破。貞女石氏居危巖上。罵賊罵畢。自墮巖死。前參政衛人石聲和。保栽秧屯。有衆千餘。賊亟攻之。聲和守禦不怠。會大風。賊縱火焚屯。屯遂不守。聲和及其衆皆

安順府志

卷之三

紀事

十四

死之。遂陷安順。至安莊。前參議衛人伍右文。率士民守城。城破。死之。又進破安南。永甯知州曾異撰死之。賊遂西入雲南。而貴州府衛悉爲明。明巡按御史瞿鳴豐。巡地至平壩。以朱由楛死事狀聞於明。永明王王令祀之名宦忠烈。二祠。六年。孫可望復自雲南入貴州。八月。遣其黨白文選。取安順。馳入貴陽。尋引去。七年。四月。可望復入貴陽。遂據之。已而降於永明王。永明王卽明桂王。由榔也。是時貴州皆爲可望所有。名雖屬於桂王。然桂王居安隆所。如寄也。十四年。可望歸順。十二月。

上以貝子託羅爲甯南靖寇大將軍。平西王吳三桂爲平西大將。



軍都統卓布泰為征南將軍。同經畧洪承疇。分道征永明。貝子經畧自湖南進。三桂自四川進。征南自廣西進。四月。吳三桂取桐梓。與永明總兵劉正國戰於遵義。正國敗走安莊。十五年五月。

上以三路無統帥。

命信郡王多尼為安遠大將軍以總之。九月。信郡王至偏橋。以趙廷臣為貴州巡撫。劉正國在安莊告急於永明。時永明已奔雲南。李定國乃東出。抗

大兵於盤江。使李成蛟屯安隆之涼水井。在今冊張光壁屯

會安州之黃草壩。今興義縣以拒廣西之師。馮雙禮屯盤江東

安順府志

卷之三 紀事

十五

岸。祁三省屯雞公背。以扼湖南之師。白文選屯七星關。以阻四川之師。而定國居中策應。益正國兵。令守安莊。資羅大順糧。使繞水西。為游奕之兵。正國與其黨竇名望分據要隘。以待

大兵。十一月。信郡王至安莊。正國迎戰。王所部白爾赫圖布葉錫奮擊之。大敗其眾。斬正國於響水橋。遂下安莊。時卓布泰亦敗。李成蛟於涼水井。李定國奔。十二月。又敗之於炎遮河。馮雙禮就祁三省於雞公背。屯其絕頂。糧餽艱難。士不宿飽。聞定國敗。頗兇懼。信郡王自安莊攻之。三省有眾萬餘。戰方交鋒。其眾遽走。三省不能止。亦奔。雙禮見三



省敗。無固志。遂潰走畢節。信郡王使將追之。三省犇依白文選於七星關。吳三桂亦敗。白文選於七星關。文選走雲南。李定國既敗於炎遮。還守盤江。而卓布泰自炎遮趨會安。以入雲南。定國腹背受敵。知不可支。乃焚鐵索橋而走。令馮雙禮斷後。信郡王結筏以濟。遂渡盤江。及雙禮於松嶺。敗之。貴州盡入版圖。王遂入於雲南。而永明亡矣。十七年。信郡王自雲南班師。盤江鐵索橋。自定國焚後。爲浮橋。以濟行人。數爲水所敗。驛遞文書沮滯。貴州巡撫卞三元奏請修復。

聖祖仁皇帝康熙二年十月。永甯知州王聘賓棄官逃。時吳三桂

安順府志

卷之三

紀事

六

分藩雲南。州縣不勝其役。故聘賓棄之而逃也。三年十一月。盤江鐵索橋成。四年十二月。郎岱土司隴安藩反。明年六月平之。事已具上。六年。貴州提督自貴陽移駐安順。十二年十一月。吳三桂反於雲南。十二月。貴州提督李本深以安順叛降於三桂。本深素附三桂。三桂屢奏請加恩。在貴州十餘年。未嘗他調。及三桂反。本深已密款。然尙未發也。總督甘文焜聞變。使其族弟文炯馳傳入告。趣川湖總督以兵扼沅州。牒本深據盤江。本深遺書文焜。虛張賊勢。思以怵文焜。令折而從賊。文焜復書。其畧曰。黔省安危。責在提督。逆賊受



國厚恩。罔思圖報。乃弄兵一隅。自取滅亡。我輩忠孝自矢。建樹正自今日。尙其同心協力。手足相依。萬一不濟。惟效張巡南霽雲。以身殉國。斷不稍存攜貳。本深得書。知文焜不可動。遂叛附於三桂。殺督理移藩郎中。未幾督標兵皆叛。文焜犇鎮遠。巡撫曹申吉降賊。文焜至鎮遠。副將江義亦反。文焜自刎以殉節。三桂等至貴陽。貴州全省皆沒於賊。遂東出。且僭號矣。十七年七月。三桂死於衡州。賊孫世璠嗣。十九年。世璠爲

大兵所敗。三月。走貴陽。閏三月。

上命貝子彰泰爲定遠平寇大將軍。總滿漢兵。穆占爲征南將軍。

安順府志

卷之三

紀事

十七

統滿兵。蔡毓榮爲綏遠將軍。統漢兵。副都統莽奕祿。貴州提督趙賴。雲南提督桑額皆從。自湖南分道進兵貴州。以感世璠十一月。

大兵漸近貴陽。世璠棄貴陽西走。使賊將李本深屯永甯州。賊將線絨巴養。鄭旺。李繼業。率衆萬餘屯盤江。以斷東師。又令賊將高起隆。王永清。王會。張足。法。楊。應。選。儂。朋。屯平遠。以扼入大定畢節之路。夏國相屯永甯縣。馬寶屯遵義。以拒四川之師。詹養王有功。何繼祖。屯安隆。胡國柱。犯建昌。以牽制諸軍。是月。穆占入貴陽。彰泰。蔡毓榮繼至。穆占使莽奕祿。薩克察巴圖魯等分兵復定番。敷勇已而鎮西。



威清平壩皆復。是月。

上又命都統賚塔爲平南大將軍。自廣西進取雲南。十二月。彰泰令桑額等進復安順永甯。賊將李本深自永甯迎戰。桑額擊之。大軍繼進。本深敗走。雞公背。大軍追之。走盤江。渡江。焚鐵索橋。毓榮至。遣人招諸土司。土司沙起龍李廷試以土兵助毓榮。毓榮與桑額結浮橋以濟師。本深結營於山。大軍仰攻之。本深力不能支。遂降。械至京。殛死。已而彰泰發貴陽濟盤江。與毓榮會師。破線緘於江西坡。追至蠟茄坡。毓榮還軍安順。使穆占等自三岔河趨平遠。而彰泰自江西坡進復新興。晉安。時二十年正月也。穆占至平遠。破安順府志

卷之三

紀事

六

高起隆於城外之鳳凰山。而賚塔亦自西隆進兵。破何繼祖於石門坎。二月。又敗之於黃草壩。而入雲南。三月。穆占使莽奕祿敗張足法於高家橋。復黔西。尋西復大定。畢節。威甯。而入雲南。貴州地盡恢復。彰泰蔡毓榮乃進兵雲南。十月。

上諭曰。盤江橋。軍稅兵餉所由之路。今爲賊所燬。刻不可緩。其令楊雍建速造浮橋。若鐵索。俟錢糧充裕之日。再行修復。是月。雲南平。明年二月。班師。自是天下大定。郡中亦無兵革。越百有十三年。

仁宗睿皇帝嘉慶二年正月。南籠仲苗。耑阿信反。

耑阿信卽七絡鬚。

圍南



籠府城。雲南廣西仲苗皆應之。而安順曾定鎮甯永甯郎  
岱歸化界內仲苗。所在稱兵。或圍城郭。或據要隘。時方征  
銅仁鎮。竄紅苗。貴州提督珠隆阿在軍中。聞警。率官兵百  
餘馳還安順。休數日。赴南籠。至安南。仲賊阻道。且斷關嶺  
後援。威甯總兵七格以兵三百。至安南之安姑。不得前。屯  
於山。二月十六日。珠隆阿入安南守之。總督勒保以擊紅  
苗。在小竹山奉。

上命旋軍勦仲賊。二月中旬至安順。時巡撫馮光熊駐安順。勒保  
未至。光熊分兵勦捕西堡甯毅安家箐。及鎮甯巴籠地之  
叛仲。皆克之。又以計慰安羊西諸夷。境內少安。乃設糧臺

安順府志

卷之三

十九

於關嶺。以待勒保軍。令黎平經歷陸光聯。候補從九品沈  
化南。千總李華淳。護之。俄而賊至。陷之。光聯化南華淳皆  
遇害。武舉張秉中。張本甲。收散兵。犇鎮甯。先是雲南千總  
吳士宏。率雲南兵二百。同護關嶺糧臺。以食肆寡。別屯於  
白水河。以備賊。賊猝至。襲之。士宏及其士卒皆戰沒。惟二  
卒存。賊進破關嶺而據之。勒保至安順。頓軍鎮甯。遣翼長  
常明。副將施縉。率兵攻賊於關嶺。破之。遣騰越總兵巴圖  
什里。都司馬義。趨永甯。解其圍。先是正月九日。永甯知州  
南炎。曾聞仲警。傳集士民安撫之。且為守禦計。十五日。炎  
曾至募役司。周覽形勢。欲扼花江渡。防仲苗之東出。以無



兵勇而還。二十日。珠隆阿至永甯。灸會請珠隆阿留守永甯。不可。二十二日。永甯城中士民皆逃。居者不滿百戶。二月十四日。仲苗破募役司之馬蝗屯。屯民數百犇於城中。灸會納而給之口糧。遂與吏目王鑑。學正楊光地。訓導黃瑛。守城待賊。十六日。賊千餘人至。焚城外民居。逼近城下。灸會偕千總李倫。率兵十餘人。難民數百人。合力攻賊。賊退據西關坡。十八日。長寨守備崔林。率兵二百赴南籠。至永甯之北口馬鞍橋。遇賊。爲所敗。犇城中。灸會留林共守。有礮久不演用。林以之攻賊。礮震發。林傷於礮而死。二十二日。賊傅城。攻西門。俄而賊自退。二十七日。巴圖什里馬

安順府志

卷之三 紀事

二十

義以兵至。攻賊於西關坡。殺賊數人。賊奔潰。永甯圍解。是役也。州人鄧祥麟有守城功。三月五日。勒保及常明施縉。咸至永甯。賞祥麟功。給六品頂戴。勒保令自安順楊家橋。以至於軍前。沿途設卡。留兵護守。以通饗道。又使人通郎岱道。乃進兵安南新城南籠。皆解其圍。先是廣順定番長寨之仲苗皆叛。而趨廣順。廣順無城。境內十八堡九屯之民。分保於歸化之壩陽。鎮甯之雞場二堡。翼長常明令知縣程卓樑屯於壩陽。二月十五日。壩陽汛千總陳蘭。率民千餘人。迎卓樑入於汛。二十五日。千總鄔尙志。把總徐廷躍。以兵二百至。卓樑與之共守。卓樑乃諭二堡以西之仲



苗勿從賊。仲苗稍有效順者。三月。巡撫馮光熊遣遊擊周廷翰率兵三百保雞場堡。堡民有焚仲苗寨者。仲苗怒。引其黨共攻堡。破之。遂進陷平虎營。打叭河。而壩陽之前卡失矣。仲苗遂屯於小落著。小落著去壩陽僅十里。壩陽告急。已而副將文光以兵二百至壩陽。副將王格以兵三百別屯於阿羅堡。卓樑赴阿羅。與格議軍事。賊萬餘人。猝攻壩陽。陷之。卓樑馳謁光熊於安順。光熊令文光還守定番。格及守備國琦爲一路。卓樑及都司保德爲一路。共攻壩陽。賊據汎堡。方飲。聞兩路兵鎗礮聲。棄而走。落著官兵遂入汎。已而賊兵大至。分爲二隊。一自右山出繞營後。一自

左山出逼營前。時卓樑往木廠屯。諭安諸未叛。仲苗歸。適遇賊攻營急。卓樑以二十騎自溝冲犇而前。賊疑伏發而駭。格揮兵出營。射殺賊目數人。賊遂退屯小落著。壩陽之南三十里爲狗場汎。賊分兵圍之急。格使千總陳蘭助守。汎得以不破。已而賊皆退走其巢。磨蔓白老虎者。賊所據巢也。賊有號爲先獍者。出沒其間。巡撫馮光熊遣長寨同知安嘉相。定番知州陳約合攻之。禽先獍及其黨二十餘人於磨蔓。進軍平虎營。以勦白老虎賊。獲賊首王官保陸阿添。二處賊悉平。嘉相約進兵椒紫屯。六月。貴州兵自鎮筩還者。總兵書麟。副將康世貴率之。至於椒紫屯。乃分爲



兩路以趨永豐。書麟世貴自播西人。以至永豐之白層。王格程卓樑自播東人。歷永豐之高坎石屯者坪。以至龍渡會兵。攻魯貢坡。要嶺。巧雲寨。磨形屯。卓樑自羅斛通運道於王母亭。以濟兵食。八月。書麟等至永豐。解其圍。遂旋兵歸化。先是賊圍歸化。日夜攻城。在城西二里許。屠民千餘。城內皆驚。守備張永吉。通判鄭寶鑑。安諭防守。月餘。值古州兵來援。而書麟兵亦至。其圍亦解。卓樑所至。入苗寨。撫輯。令勿從賊。而諸從賊者。亦或因之而解散。故書麟所至。仲苗多不拒戰。卓樑至南籠。勒保令以知州代理知府。而嘉相約。皆自椒紫還。其所治云。郎岱東南四十里有獅子屯。賊據險以拒官軍。永安都司田中貴攻之。數月乃下。自是郡境安謐。

安順府志

卷之三

紀事

三

